



Peqqissutsimut Naalakkersuisoq  
Doris Jakobsen  
/MAANI

Ull.: 2. november 2015  
J.nr.: 01.38.01.03-00058

**Qinngornerit ioningortitsisartut pillugit aamma qinngornernut illersuuteqarnissaq pillugu Inatsisartut Inatsisaannut nr. xx, ulloq xx. xx 2015-imeersumut siunnersuut pillugu Ilaqutariinnermut Peqqissutsimullu Ataatsimiititaliap marlunngornermi ulloq 10. november 2015, nal. 10.00-11.30, Inatsisartut ataatsimiittarfianni nr. 2-mi ilisimatitsiffiusumik oqaloqatigiiffiusumillu ataatsimeeqatiginissaanut aggeqqusissut**

Inatsisissatut siunnersuut siuliani allassimasoq Ilaqutariinnermut Peqqissutsimullu Ataatsimiititaliap suliaraa. Ataatsimiititaliap isumaliutiginninneranut siunnersuummillu suliaqarneranut atatillugu inatsisissatut siunnersuut pillugu pissutsit ilaasa oqaloqatigiissutiginnissaat ataatsimiititaliamit pisariaqartutut isigineqarpoq. Oqaloqatigiinnerup qulequttanik aggeqqusissummi matumani allassimasunik aallaaveqarnissaa ataatsimiititaliamit kissaatigineqarpoq.

**1. Siunnersuutip atuuffissaata sulinermi avatangiisit pillugit inatsimmut pissutsinullu aalajangersimasunut allanut killilerneqarnera**

Inatsisissatut siunnersuutip sulinermi avatangiisit pillugit inatsimmut killilerneqarnera nassuaatigissagit ataatsimiititaliamit kissaatigineqarpoq, tassunga ilanngullugit:

**1a)** Inatsisissatut siunnersuut suliassa qarfinnut sulinermi avatangiisit pillugit inatsimmit maleruagassiorneqanngitsunut – soorlu qinngornernik ioningortitsisartunik qinngorfigitissinnaanermut atatillugu napparsimasunik isumannaallisaanermut – taamaallaat maleruagassiissasoq eqqortumik paasinninnerua?

**1b)** Inatsisissatut siunnersuutip laboratoriani allatullunniit ilisimatusarnermut atatillugu atortussianik ioningortitsisartunik passussinermut toqqortarinninnermullu maleruagassiinissaa kiisalu nunani tamalaani periutsumik, assersuutigalugu IAEA-mit ilusilersorneqartumik naammassinninnissaa, taamaalillutalu qinngornernik ioningortitsisartunik passussinermut maannamit pitsaanerusumik inatsisitigut atugassaqartinneqalernissarput eqqarsaatigineqarmat eqqortumik aamma paasinninnerua?

**1c)** Sulinermik Nakkutilliisoqarfiup nakkutilliinermi suliassa Naalakkersuisoqarfiullu nakkutilliinermi siunissami suliassa akornanni killissat akisussaaffimmillu agguataarinerit takussutissiorsinnaavigit aammalu nakkutilliineq pillugu aalajangersakkat Peqqissutsimut Naalakkersuisoqarfiup qanoq atuutsilerniarpai?

1d) Inatsit naapertorlugu nalunaarutit qanoq amerlatigisut atuutsinneqalernissaat pisariaqarnersoq siunnersuummut nalinginnaasumik nassuiaatini erseqqissumik paatsoorneqarsinnaanngitsumillu allassimasorinanngilaq. Suliassa qarfirmi nalunaarutissatut eqqarsaatigineqartunut taakkulu atuuffissaat naatsumik takussutissiamik saqqummiusseqquneqarputit.

1e) Inatsisissatut siunnersuut tunngavigalugu nalunaarusiornissamut piffissaq atorineqartussa qanoq qanoq sivilutitigissangatinneqarpa?

1f) Qinnqornernut illersuuteqarnissamut naalagaaffiup ilisimatusarfiata (Statens Institut for Strålebeskyttelse) suleqatigiinnissamik isumaqatigiissuteqarfigineqarnissaa sumut killippa, tassami nalunaarutit, nassuiaatit malilugit Inatsisartunit isummerfigineqartussat akueritinniarnissaanni ataatsimiititaliap tunuliaquttami piareersarnissaat pingaaruteqartutut isigimmagu?

1g) Danskit naalakkersuisuisa suleqatiginissaat inatsisillu taaneqartut saniatigut suliassa qarfirmi maleruagassiorsinnaanermut immikkut ilisimasaqalernissaq Kalaallit Nunaanni amigaataasoq Naalakkersuisunit qanoq pilersinniarneqarpa? Peqqinnissa qarfirmi ilinniartitsinissaq imaluunniit inunnik pisariaqartinneqartunik piginnaanilinnik atorfinitsitsinissaq Naalakkersuisut eqqarsaatigaat?

) Det er udvalgets alminelige forståelse, at de i bekendtgørelser kommende dosisgrænser, beskyttelsesforanstaltninger, sikkerhedsprocedurer m.v. også omfatter råstofområdet - dog som et minimum for de foranstaltninger, der skal være indført på råstofområdet. Deler du dette synspunkt

## **2. Siunnersuutip atuuffissaata aatsitassarsiornermut killigaaanera**

2a) Aatsitassarsiornermut tunngasunut minnerpaaffittut atuutilersussatut annertussutsit killissaat, illersuutitut atorulersuutissat, isumannaallisaaanermut periusissat il.il. pillugit nalunaarutiliassat aatsitassanut tunngasunut aamma atuutsinneqassanersut ataatsimiititaliamit nalornissutigineqarpoq. Taamaattoqassasoq isumaqarpisi? Ataatsimiititaliap tamanna inatsisip oqaasertaani pinnani inatsimmulli nassuiaatini maluginiarpaa.

2b) Tamatuma saniatigut inatsisissatut siunnersuummut matumunnga sanilliullugu aatsitassanut tunngasuni akuersissutini annertunerusunik sukannererusunillu piumasaqaateqarnissamut inatsit akimmisaartitsinngitsoq aammalu aatsitassanut inatsit ataatsimut isigalugu aatsitassanut tunngasunut maleruagassiisoq ataatsimiititaliaq isumaqarpoq. Taama paasinninneq isumaqatigisinnaaviuk?

## **3. Siunnersuutip nunat tamalaat isumaqatigiissutaannut taakkunungalu attuumassutilinnut sanilliunnera**

Inatsisissatut siunnersuutip matuma akuersissutigineqarneratigut sulisut qinnqornernut ioninngortitsisartunut illersorneqarnissaat pillugu International Labour Organizationip (ILO-mi) isumaqatigiissutaannut nr. 115-imut Kalaallit Nunaata nangaassuteqarnerata atorunnaarsinnissaa periarfissisagaa saqqummiussissummi nassuiaatinilu oqaatigineqarpoq.

3a) Inatsisissatut siunnersuummi matumani ILO-mi isumaqatigiissut kisimi siunniunneqarpa imaluunniit siunnersuummut nalinginnaasumik nassuiaatini taagorneqartut allat aamma ilaatinneqarpat, tassa taama ataqatigiittoqarnera ataatsimiititaliamit paatsuungassutigineqarmat?

3b) Nalinginnaasumik nassuiaatini assersuutitut taaneqartutut qinngornernut illersuuteqarnissaq pillugu nunatsinni inatsiseqarnissaq Kuannersuarni suliniutip piviusunngortinneqarsinnaaneranut atatillugu aatsaat pisariaqartinneqalerpa? Imaluunniit Kalaallit Nunaata inatsimmik taamaattumik maannangaaq atuutsitsilernissaanut tunngavissiisunik pissutsinik ineriartornernillu allanik peqarpa?

3c) Inatsisissatut siunnersuut EU-mi piumasaqaatinik nutaanerpaanik eqquutsitsiva?

#### **4. Siunnersuutip aningaasaqarnikkut kingunerisassai**

4a) Assersuutigalugu Narsami Kuannersuarni aatsitassarsiornermik suliniut ingerlanneqalissappat imaluunniit Kalaallit Nunaanni aatsitassarsiornermi suliniutinik allanik aallartitsisoqassappat Peqqisutsimut Naalakkersuisoqarfik eqqarsaatigalugu aningaasat missingerlugit qanoq amerlatigisut eqqartorneqarpat?

4b) Inatsimmut taassumunnga aammalu taassuma kingusinnerusukkut atuutsinneqalernissaanut tunngatillugu Statens Serum Institutip suleqatigineqarnerata Nunatta Karsiata aningaasartuutaasa amerlanerulernerannik kinguneqartussatut Naalakkersuisoqarfimmit isigineqarpa, taamaassimappallu qanoq annertutigisumik aningaasartuutaassava?

#### **5. Ataatsimut isigalugu**

5a) ILO-mi isumaqatigiissut nr. 115 inatsisissatullu siunnersuut imminnut attuumassuteqarnerat naatsumik nassuiaatigineqassasoq kissaatigineqarpoq.

5b) Innuttaasut isumannaatsuunerannut navianartorsiorfitsineq pinngitsoortinniarlugu iliussissanik pisariaqartunik piumasaqaateqarnissamut inatsisissatut siunnersuummi immikkut tunngavissiisoqarpa. Tunngavissap tamatuma siunertarisaa itisileqquneqarpoq.

5c) Uranimik paaavinni sulinermit najoqqutarisassat pineqartillugit nunat sorliit perusiat Naalakkersuisunit innersuussutigineqarsinnaava?

5d) Inatsisissatut siunnersuutip ima marlungorlugi avinneqarnissaanut pitsaaqutit ajoqutillu Naalakkersuisunit nassuiaatigeqquneqarput:

1. Napparsimmavinni, kigutileriffinni, mittarfinni il.il. qinnguartaatinik atuinermut tunngasut, aamma

2. Aatsitassanik suliffissuaqarneq, tassunga ilanngullugu uranimik paaaneq.


-----  
Immikkoortut ilisimatitsissutit allasimasut pillugit malitseqartitsisumik ataatsimiititaliap apeqquteqarnissani ilimagaa, immikkoortullu ataasiakkaat ilisimatitsissutigereerukkit

oqaloqatigiinneq politikikkut oqallinnertut ingerlanneqassasoq inassutigalugu. Ataatsimiinnerup nalaani annertunerusumik ilisimatitsisoqarnissaanik kissaateqartoqarnissaa ilimanarpoq taamaakkaluartorli nassuiaatiginiakkatit allakkatigut kingorna nassiunneqarsinnaapput.

-----

Naggataatigut ataatsimiinnermut atatillugu apeqqutit siuliani taaneqartut pillugit kalaallisut danskisullu allakkiamik tigusaqarnissani ataatsimiititaliap kissaatigaa. Allakkiaq qarasaasiakkut uunga [inatsisartut@inatsisartut.gl](mailto:inatsisartut@inatsisartut.gl) aamma [jhh@inatsisartut.gl](mailto:jhh@inatsisartut.gl) kingusinnerpaamik Naalakkersuisumik ataatsimeeqateqarnerup kinguninngua nassiunneqarnissaa qinnutigineqarpoq. Allakkiarli nassarneqassagaluarpat ataatsimeeqatigiinnermilu atorneqarluni nuutinnera ataatsimiinnissaq sioqqutitsiarlugu ataatsimiititaliap oqaluttaanut tunniuteqquneqarpoq.

**Ilaqutariinnermut Peqqissutsimullu-Ataatsimiititaliaq sinnerlugu**



Tillie Martinussen  
Ataatsimiititaliap siulittaasua